

Publicaziun FUS per ils 26 d'uoost 2016

Damonda da baghegiar nr. 39/16

Datum da publicaziun: ils 26 d'uoost 2016

Proprietaris: Werner e Gabriela Vincenz-Arpagaus
Via Ruast 23
7165 Breil/Brigels

Object: Construcziun annexa bargia da lenna, parcella 3931, Ruast, Breil

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Damonda da baghegiar nr. 41/16

Datum da publicaziun: ils 26 d'uoost 2016

Proprietaris: Akademischer Alpenclub Basel
4000 Basel

Representanza: Hörler Architekten GmbH SIA
Schweizergasse 26
4054 Basel

Object: Reconstrucziun ed amplificaziun Camona Durschin, parcella 4842, Muot da Rubi, Breil

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

AVIS

Muort lavurs da catram, resta la via Casu - Capré serrada per tut il traffic **gievgia igl 1 da settember 2016**. En cass da macort'aura, vegn quei datum stuschaus.

**Uffeci da contrucziun bassa
Suprastonza communal Breil**

Rapport dalla seduta dil cussegl da vischnaunca dils 16 d'uost 2016

A caschun dalla sura numnada seduta ha il cussegl da vischnaunca priu differentas decisiuns.

1. Approbaziun dil protocol dalla seduta dil cussegl dils 18 d'avrel 2016

Il protocol ei vegnius tarmess allas cusseglieras ed a tuts cussegliers. Il president dil cussegl suttametta el alla discussiun. Da tala vegn buca fatg diever. Cun tscharna unanima vegn il protocol approbaus.

2. Elecziun dalla suprastonza dil cussegl per la perioda d'uffeci 2016/2017

Il president dil cussegl tschenta la damonda d'entrar en la tractanda ed arva la discussiun. Da tala vegn buca fatg diever. Il cussegl decida d'entrar en la tractanda.

Tenor constituziun communal vegn la suprastonza dil cussegl elegida per ina perioda d'uffeci d'in onn, la quala entscheiva igl 01. da fenadur 2016.

a) president dil cussegl

Tenor la practica applicada vegn il vicepresidente proponius per il post da president per ina proxima perioda. Sco vicepresidente ha Maurus Tomaschett, Breil, funcziunau. El vegn proponius dil vischinadi. Il cussegl elegia cun tscharna unanima Maurus Tomaschett sco niev president.

b) vice-president dil cussegl

Per igl uffeci da vice-president fa il vischinadi da Dardin la proposta sin cusseglier Pascal Derungs. Autras propostas dat ei buca.

Cun tscharna unanima vegn Pascal Derungs elegius unanim sco vice-president per la proxima perioda d'uffeci.

c) actuar dil cussegl

Sco actuar propona la suprastonza il canzlist communal Curdin Cadonau. Cun tscharna unanima vegn el elegius e confirmaus per ina proxima perioda d'uffeci.

Il president dil cussegl engrazia a tuts per la promptadad da surprender in uffeci e gratulescha als elegi, giavischont ad els bia plascher e satisfacziun en lur delegaziuns.

3. Damonda da credit per cazzolas da LED en casa da scola Danis (frs. 60'000.00)

Il president dil cussegl tschenta la damonda d'entrar en las tractandas 3 e 4 ed arva la discussiun. Da tala vegn buca fatg diever. Il cussegl decida d'entrar en las tractandas.

Clau Schlosser informescha il cussegl sur dalla investiziun previda en la casa da scola a Danis. Il cantun separtizescha entochen la fin digl onn 2016 cun frs. 50'000.00 vid las investiziuns totalas da frs. 110'000.00.

La discussiun vegn dada libra. Sin las damondas fatgas sa vegnir rispundiu. Il cussegl approbescha unanim il credit da frs. 60'000.00 per las cazzolas da LED en la casa da scola Danis.

4. Damonda da credit per cazzolas LED en casa da scola Breil (frs. 50'000.00)

Clau Schlosser informescha il cussegl sur dalla investiziun previda en la casa da scola a Breil. Il cantun separtizescha entochen la fin digl onn 2016 cun frs. 50'000.00 vid las investiziuns totalas da frs. 100'000.00

La discussiun vegn dada libra. Sin las damondas fatgas sa vegnir rispundi. Il cussegl approbescha unanim il credit da frs. 50'000.00 per las cazzolas da LED en la casa da scola Breil.

5. Damonda da credit providiment d'aua via Crestas su (frs. 200'000.00)

Il president dil cussegl tschenta la damonda d'entrar en las tractandas 5, 6 e 7 ed arva la discussiun. Da tala vegn buca fatg diever. Il cussegl decida d'entrar en las tractandas.

Clau Schlosser informescha il cussegl sur dalla investiziun previda. En la via Crestas su ei previu da metter en la lingia da callira. La vischnaunca vegn el medem mument a midar ora la lingia d'aua.

6. Damonda da credit providiment d'aua via Pundual (cascharia) (frs. 200'000.00)

Clau Schlosser informescha il cussegl sur dalla investiziun previda. En la via Pundual ei previu da metter en la lingia da callira. La vischnaunca vegn el medem mument a midar ora las lingia d'aua.

7. Damonda da credit providiment d'aua e canalisaziun via Capitasch (frs. 200'000.00)

Clau Schlosser informescha il cussegl sur dalla investiziun previda. En la via Capitasch ei previu da metter en la lingia da callira. La vischnaunca vegn el medem mument a midar ora la lingia d'aua sco era la lingia da canalisaziun.

La discussiun vegn dada libra. Sin las damondas sa vegnir dau risposta. Ei vegn fatg ina votaziun per tut ils treis credits. Il cussegl approbescha unanim il credit da frs. 600'000.00 per il providiment d'aua dallas vias Crestas Su, Pundual e Capitasch.

8. Orientaziun providiment d'aua via Tschuppina

Clau Schlosser informescha il cussegl ch'igl ei era previu da metter en la lingia da callira e da sanar la lingia d'aua en la via Tschuppina. Sch'il temps e l'aura lain tier quei, entscheivan las lavurs aunc quest'atun. Schiglioc vegnan quellas lavurs fatgas l'auter onn.

La discussiun vegn dada liber. Sin las damondas sa vegnir dau risposta. Il cussegl ha priu enconuschienscha da quellas informaziuns ed ei cuntents cun igl agir dalla suprastanza.

9. Elecziun representant cumissiun da biblioteca

Il president dil cussegl tschenta la damonda d'entrar en la tractanda ed arva la discussiun. Da tala vegn buca fatg diever. Il cussegl decida d'entrar en la tractanda

Cun la pensiun da Gabriel Derungs ei il post en la cumissiun da biblioteca vegnius vacants. La cumissiun da biblioteca fa la proposta d'eleger la scolasta Martina Cabalzar sco representata dalla scola en la cumissiun. Autras propostas dat ei buc. Il cussegl elegia cun tscherna unanima Martina Cabalzar en la cumissiun da biblioteca.

10. V a r i a

Il president dil cussegl, Marcus Brunner, engrazia per la presenza e la collaboraziun e siara la seduta allas 21.00 uras.

Breil, ils 18 d'uost 2016

Suprastonza communal Breil